

中  
觀  
論  
疏

中觀論疏卷第二十五

唐京師延興寺沙門吉藏撰

觀十二因緣品第二十六

論有二分。前二十五品破大乘人法明大乘觀行。  
今第二兩品破小乘人法明小乘觀行。佛在世時。  
眾生根利稟於兩教同悟一道。末世鈍根聞於兩  
教並皆起迷。是以四依出世。雙破二迷。俱申兩教。  
佛則雙說。論主雙申。則知四依猶如佛也。問。他亦  
云。大小乘觀行與今何異。答。他道理實有大乘。但  
小是方便耳。今明正道未曾大小爲眾生故。說於

大小一往大小相望則小爲方便大是眞實若望道非大非小則大小俱是方便故與舊不同問一往開大小者有異大之小異小之大不答昔虛指大因以爲小果故名於一佛乘方便說三實無異大之小今還空點小果爲大因名會三歸一亦無異小之大前論於大後論於小具如初品所明今略明一意雖無道二微但悟各有由故明兩教而著相者未能要期會歸遂取信所見聞大乘法空不肯信受故復就彼所見以明其空也

兩品卽爲二章第一申正第二破邪申正則顯生

死過患破邪明斷惑入道。小乘之要。唯此二門。問。何故大乘觀行二十五章。小乘但有二品。答。示大乘深奧。是以文多。小乘淺狹。唯有二品。又示正論大乘。故有多品。傍申小乘。故有兩章。三者。上大乘中以破一切邪。以明一切觀。小乘之觀。小乘之邪。廣在其中。今但略明。則於義便足。是故唯有二品。四者。佛說小乘唯有二意。一示生死過患。二令斷惑得道。稟教之徒。不尋其根。遂枝流蔓。延成五百部。今欲令捨末歸宗。故但明二品。所言觀十二因緣品者。問。諸小乘論已明十二因緣觀論主何故。

復說答佛爲破無因邪因故說十二緣生此是借妄止妄當時卽用此了悟末世還又執著求其定相非但用之通於小乘亦用此解通方等教是以論主須重論之問諸部云何執此十二答毗婆闍婆提定執十二是無爲法餘部皆言是有爲法於有爲內復有三部一犢子部雖明十二因緣而計有我法二薩婆多雖知十二無我而未知十二因緣亦空三者成實論等明十二相生無我無法此之三部是小乘中利鈍三品初未得二空名爲下品次我空法有名爲中根次無我無法名爲上根

問論主今明小乘觀行因何部。答前之三部各執一邊互興諍論。論主知佛方便適化不同。悉可隨時而用。如大集云。雖有五部。不妨法界。文殊問經十八及本二。皆從大乘出。涅槃經三十。諍論論主申佛方便。並須用之。皆是執著。應須破。但末世眾生多滯有病。今宜說空。故下破邪見品。具破人法也。問以何文證具明人法二空。答智度論釋小乘生法二空。引大因緣經云。是中何等是老死。誰爲老死。誰爲老死。卽生空。何等是老死。謂法空也。問論主爲末世多執有故。說二空。佛經說小乘云何。

答亦說二空。如法華信解品。聲聞法空。無生無滅。無大無小。小品云。須菩提。不見檀。不見行檀者。問。何故經論並明二空。答。一切凡夫。無始來常執有故也。問。若具明人法二空。與大何異。答。小乘雖明二空。而多說生空。少識法空。不明諸法本性空寂。上已具論。是故爲異。今重述之。大乘知無明本自不生。爾時見二種空。一者有所無空。謂無明不可得。二者卽見佛性。畢竟清淨。無有煩惱。亦名爲空。此亦卽是見空不空二義。見二種空。名見空。卽見佛性。妙有名見不空。小乘並不見此三事。但折無。

明有是故言空耳。問小乘云何不見無明空。答斷四住中無明未斷。無明住地故無明不空。問智者見不空與小乘何異。小乘亦見四住空與大乘何異。答如上釋。但折四住言空。智者知四住本空也。今正觀因緣入於二空。十二緣滅得於涅槃。故以目品。

△品開爲二前問次答。

問曰。汝以摩訶衍說第一義道。我今欲聞說聲聞法入第一義道。

問中爲二。一領前太。二問後小。而言欲聞說聲聞

法入第一義者。既樂欲聞小。當知卽是鈍根。不堪受大法。仍以此義破無小乘也。問。上諸三部並入第一義。不答。犢子部云。未入觀時。此卽有我。若入眞觀。便不見我。故以無我爲第一義。薩婆多人。本不執我。入觀之時。故知無我。成論入於眞空。知無法無我。此之三人。入第一義。卽是深淺。若望大乘第一義者。上之三人。得其少分。故智度論云。二乘之人。得於二空。如毛孔空。菩薩得二空。如十方空也。

答曰。

下第二。正明十二因緣觀。問。何故聲聞入道觀十二因緣耶。答。欲明三乘同度十二緣河。故同觀此也。問。觀十二因緣有幾種耶。答。約三乘人。亦得卽成三品。又智度論釋無盡品。亦明三品。一者下品。卽是凡夫。順十二因緣河。二者中品。所謂二乘逆十二緣河。三菩薩上品。悟十二緣不生不滅。非逆非順。故異彼聖凡。名獨菩薩法。問。菩薩爲從果觀。十二爲從因觀。答。智度論云。愛多者從果觀。見老病死。破著樂心。見多者從因觀。知因果相生不起邪見。菩薩是利根。爲眾生故。亦從果觀。婆沙問云。

菩薩於一切根中最上。何故前觀果耶。一解云。隨順法故。菩薩見老病死。作是思惟。此老病死。何由而有。知從生有。故前觀果。此解與智度論同。又解爲初學者。前觀於果。菩薩於最後生。名爲初學。雖曾無數劫。觀於因緣。復若觀時。還從本起。如人雖數上樹後。若上時。還從根上。問曰。此是何等菩薩。答。此猶明三藏中小乘菩薩耳。若本大乘菩薩。觀因果無定。亦不作因果而觀。如涅槃十二因緣具足。十不問。若小乘菩薩。既從果觀十二。今此文云。何從因觀耶。答。聲聞法中。自有利鈍。鈍者從果觀。

故四十四智。謂老死果老死集老死滅老死滅道。一支有四。故成四十四智。利根人觀十二有七十七智。無明緣行。此是生法智也。非不無明緣行。此審法智也。一世有二。三世爲六。此六是法住智。并泥洹智。故稱爲七。一支有七。故合七十七也。四十四除無明。七十七除老死。

就文爲二。第一明順觀。第二明逆觀。順觀爲二。第一別明十二緣觀。第二總結明十二支。卽十二別。眾生癡所覆。

此第一辨無明支。言無明者。從所無受稱。謂無慧。

之明。稱爲無明。問。今分別十二相生。釋明辨體與數論何異。答。經云。無明體性本不有。妄想因緣和合而生。無所有故。假名無明。是故我說名無明。今分別空。謂眾生虛妄顛倒。故作三世因果。此是無分別中善分別故。欲令虛妄眾生。因此分別。悟無分別。息虛妄心也。然顛倒眾生。已有十二流轉。今復更執有定性而推折之。非但十二不除。而更增十二也。以此因緣不同他釋。問。旣不同數論所釋。應不用數論名。教釋此品耶。答。小乘法中。亦有四句。一者。若三藏所無。眾師橫造。則棄而不取。二。若

視經聖口得適化之言取而不破。三學教起迷得言失意則破其能迷之情收其所惑之教。四若望道門無所破取四句之中今用其二。一者若用佛經名教釋此品者是取而不破。二若用數論解其文者則亦破亦取。問十使中無明三毒中無明與無明支有何異也。答十使中無明唯取無明使爲無明。三毒中無明除貪瞋二使以外餘皆是無明。今此中通取一切煩惱悉爲無明爲發業故。又雖通此一切煩惱示無明是生死本故但說無明。

爲後起三行。

第二次辨行支行者。以起作爲義。謂起作生死果也。卽身口意三行亦是罪福不動等三行。問。無明旣具。因緣二義經中何故但說無明緣行。不說因行。答。婆沙云。亦得說因。如摩訶尼陀經明。如生爲老死因。乃至無明爲行作因。又解。若言無明因行。但言是因緣。今說無明緣行。具得四緣。成實者云。因義生於無法緣義。卽二有相。由今說有有牽連。卽生死不絕。故說緣行。不說因行。又因親緣疏。疏旣牽連不絕。卽因義不待說也。問。大集經云。無明爲因。行爲緣。此義云何。答。然無明具因緣兩義。行

亦義爾。但各舉一邊。是故互說。問何故言無明緣行。不言行緣無明。答婆沙云。十二前後相生。前爲後緣。非後爲前緣。故但無明生行。行不生無明。問無明皆爲十二作緣。何故但言緣行。答近爲行作緣。遠爲十二作緣。今說近不說遠。問五陰中行四識住中行。此因緣中行。三處何異。答五陰四識中行。除四陰餘一切有爲法。悉是行也。此中若別取行體。唯取善惡二業。若通相說之。亦攝一切善惡有爲等法。

以起是行故。隨行入六趣。

隨罪行墮三惡道隨福無動一亦入三善道

以諸行因緣識受六道身

第三明識支識是當體受名問五陰中識十二因緣識四食中識六大中識四空中識有何等異答五陰中識通攝一切有漏無漏皆是識陰爲明攝法故也六大四食中識唯取有漏爲成凡夫身率有故論云無漏識不立六界中是四食說一切有漏爲長養當來有故說於四食四空中識處體是四陰緣識故名爲識處所緣之識通漏無漏此中明識唯此受生一念染汙識爲明受生故若就時

分論之與識同時一切諸法皆名爲識。成實論云。五陰中識名了別識。識支名染著識。問。何故此識必是染汙。答。此識託生必與煩惱相應。故染汙識也。問。若爾。何故復云識支是報耶。答。識託生時分中有命根。眾生種類及精血。此是報法。而識非報。今云報者。詔命根等爲報耳。精血等猶如輕毛。必須惑潤然後得立。問。中陰屬何支。答。識支屬生陰。攝中陰屬行支。攝。又釋中陰雖未受生報而屬識支。攝也。

以有識著故增長於名色。

第四辨名色支。一云四陰名名色。色陰名色以當名色支時。四陰微弱。纔有其名。故云名也。阿含經云。痛想受樂思惟爲名。四大所造爲色。故知爾也。次云。卽以色陰爲名色。言此色受眾生之名。別異非眾生之色也。故成論牽經云。心依名色。問。化生云何識緣名色。答。婆沙云。識緣名色。此說胎生。不說化生。評云。化生亦識緣名色。如化生者。初得諸根。未猛利時。說是識。若諸根猛利。名名色。問。名色支於十時中具幾時。耶。答。婆沙云。未生四種色根。六入未具。但有身根。此有五時。一者哥囉囉。二阿浮

陀三車屍四伽那五婆羅奢。此時名名色支也。

名色增長故。因而生六入。

第五六入支。六入支卽是六根。謂六根生六識。爲識所入之處也。數云六根。能發於識名之爲入。發者是根之功能。六者是數名也。故六入一支。就數及功能兩義得。名色增長。生於四根。故有五入。名增長故。有意入也。

情塵識和合。以生於六觸。

第六明觸支。觸以觸對爲義。毗曇云。何別有觸數。能和合根塵及識。使根識對塵。故名爲觸。成論人。

無別觸數。但明心法觸對前緣也。婆沙云。諸根已能爲觸作所依。但未能別苦樂。未能避火蛇毒藥。及諸不淨。是名爲觸。

因於六觸故。卽生於三受。

第七明受支。受以領納爲義。謂領納違順等緣。婆沙云。何爲受。謂能別苦樂。能避火蛇。爾時但起食愛。卽涅槃經云。染習一愛也。不起姪欲於一切物不生染著。爾時名受。婆沙問。受與觸是相應共起法。云何觸緣受不說受緣觸也。答。雖是相應共起法。但觸爲受因。如燈與照。雖一時。燈爲照因。非

照爲燈因。又解此中說前後法。觸是前生受爲後生故。非是觸時之受。但明觸後之受故。觸爲受因也。

以因三受故。而生於渴愛。

第八次明愛支。愛以染著爲義。然三受通爲愛作緣。爲苦受所逼故。貪求於樂。以樂受故。爲愛所使。不苦不樂受。亦能生愛。乃至如四禪以上。不苦不樂受。能生於愛也。問三受生幾種愛耶。答有五種。於樂受中生二種愛。一未曾生樂受。欲令生。故生愛。二已生樂受。心不欲離。故生愛。於苦受生二種

愛一未生欲令不生。故生愛二已生苦受欲令滅。故生愛。於捨受亦生二愛。一未生欲令生。故生愛二已生故欲令不失。故生愛。此二名爲能生。於愚癡故有五也。問何故過去以無明爲本。現在以愛爲本。答婆沙云。無明有四事。一通緣漏無漏。二通緣爲無爲。三通緣三世徧不徧。使四通緣自界他界。故在前。愛但緣有漏。但緣有爲。但不徧使。但自界緣。故在後。雖不通四事。生未來苦爲勝。故說爲未來本。問愛與受何異。答受支唯有食愛。愛支復有欲愛。是故異也。

因愛有四取。

第九取支。以助業取果。故名爲取。問。愛取何異。答。婆沙云。初生名愛。愛增長名取支。又云。受爲因。愛爲果。愛爲因。還以取爲果。此但是一支。故分爲二。成實者云。貪使爲愛。餘九使名取。此文云。四取者。五陰品已釋。婆沙云。云何名取。以貪境故。四方追求。故名爲取。此卽以四方追求名四取。

因取故有有。

第十有支。謂能有來果。名之爲有。又能令後世三有相續。故名爲有。卽從果立名也。婆沙云。追求之

時起於三業是名爲有。

若取者不取則解脫無有。

此意明若取者不取便卽解脫無復有有支也。

從有而有生。

第十一生支數人生以起爲義故云世中起故生成論是本無今有義數人又云生是生相從相得名。

從生有老死。

第十二支衰老爲老終盡爲死數人云老死是異滅兩相從相立名。

從老死故有憂悲諸苦惱。

此四於老死支中離出。故不別立支也。經云將死之時。戀生畏死。名之爲憂。發聲啼哭。目之爲悲。五根相對爲苦。意根相對爲惱也。

如是等諸事皆從生而有。但以是因緣而集大苦陰。是謂爲生死諸行之根本。無明者所造。

自上已來。別明十二支。今第二總結過患也。

然此總文。廣分別十二問。十二支云何爲三道。答過去無明。現在愛取名煩惱道。過去世行。現在世有名爲業道。現在五果。未來兩果。名爲苦道。

問。何故二世同是煩惱。而名字不同。苦業亦作此問。答。過去煩惱已謝。用相既隱。故但從無他受。稱名爲無明。現在用相顯。目之爲愛。過去業已謝。遷流義顯。故名爲行。現在交起相著。故就果立名。名之爲有。現果交起。但用有增微次第故。初彰識。乃至說受。復後果未起。其相既隱。故寄相彰名。說爲生死。又解。生與老死。是八苦之名。物情所憚。現在已受。不可復斷。從別標名。謂識名。色受等不說爲老死也。故經云。因時可防。果時無可防。如何未來說。生老死者。以此怖物。令不起。現在三因也。

問何故三世之中過未各立二支現在八耶答過去已滅未來未起用相既微故但立二現在顯現故立於八又過去但因未來唯果故各立二現通因果故立於八問何故爾耶答因義在前果義在後過去前故但因未來後故唯果現在雙酬兩處酬前故立果感後故立因是故因果雙說

問無明有因老死有果不答婆沙二釋一云無明有因謂不正憶念老死有果謂憂悲苦惱但不在十二因緣中別說耳二云無明有因老死有果亦在十二因緣中說無明有因所謂老死老死有果

所謂無明。現在愛取。是過去無明。現在名色六入觸受。此四若在未來。名爲老死。如說受緣愛。當知說老死緣無明也。故十二緣猶車輪轉。

問。三世各具八支。三因五果。卽成二十四。今何故但說十二。答。約一身故。說十二。實具二十四也。

問。三界具十二不。答。婆沙一釋云。此中說欲界胎生具十二耳。又解。欲界具十二。色界有十一。除名色支。無色界有十。除名色六入。評云。三界皆具十二。如初生色界眾生。諸根未猛利。名爲名色也。無色界雖無色。而有於名。雖無五入。而有意入。應作

是說識緣名名緣意入意入緣觸。

問十二因緣幾是一念幾是相續。答婆沙云。現在世識未來世生。但是一念。餘並是相續。增一阿含三十卷云。識支具六識。則時節長久。非一刹那。若猶託生。唯一意及身識。無四識也。大福德人託胎。則具六識。化生識支具六識。六根頓足。大集經。七日前屬識支。智度論云。三七日屬識支。問五果幾在胎內。答觸受二果在胎外。餘三在內。問無間地獄具幾支。答極少有八。極多十一。問十二支具五陰不。答婆沙云。十二支以五陰爲

體智度論云。十二時皆具五陰。但識支時名色未熟。未有所能。故不說耳。餘支亦爾。

問。十地經云。十二因緣具三苦。云何是耶。答。無明至六入爲行苦。觸受爲苦苦。愛取至老死爲壞苦。問。十二並苦。亦得皆是集不。答。亦得。前生爲集。後生爲苦。問。三道爲論。皆是苦者。亦得皆是業。皆煩惱耶。答。今言皆是苦者。非三道中苦。乃明一切有爲皆苦耳。故非例也。

問。四果具幾支耶。答。羅漢不起三因。故無二果。唯有前七支也。三果具十二也。

問化生人云何有老。答雖無頭白老。亦有念念老。  
問八苦解義。開老死爲二苦。今云何合爲一支。答  
八苦爲欲明苦義。是故開之。今總明過患。所以合  
也。問何故三相中開老死爲二相。生爲一相。今用  
生爲一支。老死爲一支耶。答三相欲明相差別。各  
功用義。故開之爲三。今此總明過患。合之爲一。問  
病何故不立支。答今此一切眾生。一切時。一切處。  
有立支。病非一切皆有。如薄拘羅云。我年過八十。  
未曾頭病。欲界中尙有無病。况上二界耶。故病非  
一切有不立支也。

問十二相生六因四緣爲具幾耶。答今且就六因  
釋之。則四緣可解。十二既是前後復相生相應。其  
有是同世因果。非是十二之因緣也。有所作。自分  
徧報。四因無明。若生不善身口意三業者。是所作。  
自分徧。三因爲因緣也。若生善身口意三業者。唯  
所作因爲因緣也。行生識者所作及報二因爲因  
緣也。識生名色所作。自分二因爲因緣也。名色生  
六入乃至觸緣受者所作。自分二因爲因緣也。受  
生愛者唯所作因爲因緣也。愛生取者所作。自分  
二因爲因緣也。取生有者。同無明生行也。有生。生

者同行緣識也。生生老死者同識緣名色也。

問十二相生通三性不答。若正取次第相生支體者。無明支中通二性。欲界無明支中身邊二見。是無記。餘悉不善。上界無明。唯是無記。若就時以說。無明支起時。同時諸法皆是無明支故。亦有善惡。無記等。同時相續。皆是無明支攝也。行支亦通三性。別唯善惡也。識支若取一念託胎識。是不善。無記。若就時通於三性。名色六入觸受通別俱攝三性。愛取同無明說。有同行說。生同識說。老死同餘四果。

問十二幾漏無漏幾爲無爲幾學無學幾染不染  
答同是有漏同是有爲同是非學無學婆沙云此  
十二中若是心心數法染汙餘通染不染

問十二因緣云何如樹答樹有根體華果二因爲  
根五果爲體三因爲華兩果爲果凡夫學人有華  
有果羅漢無華無果

問十二因緣云何破除十使答說此十二正除身  
邊二見明過去二因現在五果破其常見若是常  
者豈從因生耶現在三因未來兩果破其斷見既  
現在有因生未來果云何斷耶現在八支但是眾

緣故無有我。俱破十使者。十二既是因果。故破除邪見戒取。謂苦爲道。十二皆苦。故非是道。疑有苦無苦。既有十二。則因果皎然。故破疑心。倚此身慢。他既是生死法。何足自高。既是生死法。不足可貪。是故破貪。唯應速滅十二。何故生瞋。

問緣生與緣起何異。答婆沙云。因是緣起。果是緣生。又云。應作四句。一緣起非緣生。未來世法是也。二緣生非緣起。過去現在羅漢最後死五陰是也。三亦緣起亦緣生者。除上二世羅漢死五陰餘過去現在法是也。四非緣起非緣生者。無爲法也。所

言緣起者。體性可起。待緣而起。故名緣起。又一切眾生等從此緣起。故名緣起。又有緣生非十二。十二非緣生。亦緣生。亦十二。非緣生非十二。從緣生非十二。謂羅漢五陰。十二非緣生。謂未來十二。亦十二。亦緣生。卽凡夫十二。俱非者。虛空也。如涅槃迦葉章說。

毗曇又有四種十二因緣。一。無始十二。謂始不可知。二。連鎖十二。謂展轉三世相縛。三。刹那十二。明一使起時與諸數共起。一刹那中具十二也。四分。段十二。謂過去二。現在八。未來二也。長行文旣指

毗曇故今多就毗曇釋之不必須頌示智而已。

智者所不爲。以是事滅故。是事則不生。但是苦陰聚如是而正滅。

第二明逆觀無明。因滅故行果卽不生。故云此事滅故是不生。此品大意明此十二由癡惑生。則智者不爲。故知非是眞實。非實故所以卽空。如是正觀便入眞諦。名爲正滅。

凡夫爲無明所盲。故以身口意業爲後身起六趣諸行。隨所起行有上中下識入六趣。隨行受身。以識著因緣故有名色。集名色集故有六入。六入因緣故有

六觸六觸因緣故有三受三受因緣故生渴愛渴愛  
因緣故有四取四取取時以身口意業起罪福令後  
三有相續從有而有生從生而有老死從老死有憂  
悲苦惱種種眾患但有大苦陰集是故知凡夫無智  
起此生死諸行根本智者所不起以如實見故則無  
明滅無明滅故諸行亦滅以因滅故果亦滅如是修  
習觀十二因緣生滅智故是事滅是事滅故乃至生  
老死憂悲大苦陰皆如實正滅正滅者畢竟滅是十  
二因緣生滅義如阿毗曇脩多羅中廣說。

如文也。

中觀論疏卷第二十五

中觀論疏卷第二十六

唐京師延興寺沙門吉藏撰

觀邪見品第二十七

此是第二次破邪見也。問小乘前明因緣。次破邪見。大乘亦爾。不答。前明八不。卽辨十二因緣不生。不滅。此是大乘因緣。從破四緣以後。乃至涅槃。名破邪見。問大小乘明因緣有生滅。無生滅。二觀異者。大乘小乘明邪見云何異耶。答。若傳望者。外道望小乘爲邪見。小乘望大乘邪見。故涅槃明二乘若空。若有。皆是邪見。如云。若以聲聞辟支佛心言。

無布施是則名爲破戒邪見。此是二乘空觀爲邪見。又云若見菩薩八相成道是則名爲二乘邪曲之見。此是二乘有解名爲邪見。故知二乘空有望大乘皆是邪見。就文明異者。大乘法中明諸法實相畢竟空義。一切取相有所得無非邪見。故初破四緣終涅槃品橫洗萬法。豎窮四句。稱破邪見。小乘法中但取五見及六十二見爲邪見也。就今品意有三種邪見。一者斷常及我爲邪見。二者別有我體如犢子及假有體亦名邪見。三者若世諦中都無我亦是邪見。下偈云非是無受亦復非是都

無也。問：非都無，是何言邪？答：但假名有我，非無假名字我耳。非是有假我體。我假用故。下結云：此是決定義。決定有二種：一者，決定無，卽離二我；二者，決定有於假名之我也。問：論主何故唱決定耶？答：有二種義：一者，令眾生決定破我心；二者，諸部邪亂。今欲整理小乘義，故須唱決定也。問：整理何部？答：犢子計我。薩婆多計定法。今決定破此二，故明無我無法。問：破我有文，破法出何文也？答：下偈破生死無始，破常法。又破無常亦常亦無常，非常非無常。此四句法並破，故知明決定無法也。問：此品

何故破我及斷常。答我是六十二本中之本。斷常是邊見。是六十二本。今正伐其本。支末自傾。又一切凡夫不離我心。又斷常正障中道。如二夜經中。常宣中道。故須破斷常也。又此品破三種邪見。一破外道。二破學小乘語意俱失而自挫折所立亦是邪見。三破得小乘語不得小乘意。如聞十二因緣法。計有實性等。就小乘法中。凡有四句。一是見非邪。二是邪非見。三亦邪亦見。四非邪非見。是見非邪者。世間諸正見等也。是邪而非見者。五鈍使也。亦邪亦見者。謂五見也。非邪非見者。餘殘法是。

也就亦邪亦見中復有通別。通則五見皆名邪見。別則唯撥無因果稱爲邪見。以撥無因果其過旣重。獨受邪名。餘小輕。更立稱所言五見者。謂身見。邊見。邪見。見取。戒取。五陰名身。於中起見。名爲身見。執我斷常。名爲邊見。見取有二。一取前見爲第一。故名見取。此足上見取也。二生死中無樂淨計。樂淨獨頭見取也。戒取亦二。一以鷄狗等戒爲正道。是獨頭也。二以邪見爲道。此足上也。邪見如前釋。六十二見者。上一釋今重述異解。一云卽色是我。離色是我。我中有色。色中有我。我有於色。一

陰有五。五陰二十五。各除第二離句。唯成二十。欲界二十。色界二十。無色界唯有十六。以除色。除色陰四句。故合成五十六。三界各以斷常爲本。故有六十二。數人多用此解。又釋世出世合論六十二。如前涅槃品說。於如來上起有無等四見。五陰合二十也。於凡夫上過去世起常等四見。五陰合二十。於未來世起邊等四見。五陰亦二十。斷常爲本。名六十二。問經何故云我見攝六十二見。或云斷常爲本。或云一異爲本。答我是本中之本。由起我見故。推我一異。一則身滅。神滅。名爲斷見。異則身

滅我存名爲常見。此之三本卽是次第。故經論互說。問前破大乘迷。次申大乘教。此兩次破學小教迷。申小乘教。云何乃破五見六十二見耶。答小乘障大乘。故前多破小乘執。而申於大乘。外道邪見障小乘。故今破邪見。卽是申於小乘。問若爾。前但是破小申大。非是破大迷而申大。後但是破外而申內。非是破內迷而申內。答有所得大猶是小乘。故前破小執。則是破於大迷。有所得小卽是外道。今破外道卽破小乘。問前破小乘。復有別破大乘。今破外道亦應卽別破小乘。答亦有小乘人定執。

生死無始卞破生死無始當知亦破定性有所得  
但小義也問今破邪見云何是小乘人入道義耶  
答以有邪見是故不得入見諦道今破此邪見卽  
入見諦乃至證於無學故是小乘入道

△開此品者多有錯誤今分爲二前問次答

問曰已聞大乘法破邪見

問中有二一者領前

今欲聞聲聞法破邪見

生後

答曰

下爲二初兩偈立邪見次論主破邪見。

問小乘初立邪見次破邪見別有破邪見品者大乘何不爾耶答小乘邪見局故初別立後則破大乘橫收萬法豎窮四句皆是邪見故無別品破之也問若爾小乘可別有因緣品大乘應無別因緣品答大乘因緣亦通一切法而別五因緣品者欲通別互現。

我於過去世爲有爲是無世間常等見皆依過去世立中初立過去四見次立未來四見問何故不立現在邪見答去來冥漠難知故須別立現在顯了

易解故略不明。又解此偈首我於之言。卽是明現在之我。於過去世爲有爲無。是故此文具三世邪見問下云。略說則五見。廣說則六十二見。今何故但破邊見耶。答邊見是斷常爲六十二見本。在本旣破條末自傾問。五見之中何故不破我見。答此中破二世見。卽破於我也。問何故不破邪見等耶。答蓋是存略故耳。我於過去世爲有爲無者。明現在之我。於過去世爲已有。於過去世爲未有。若現在之我。本來已有。則猶是本我。是則爲常。若現在之我。非是過去本我。今我始生。是則爲斷。不得云

過去無我今始有我若過去無我則名正見非邪見也下半明起見處也

我於未來世爲作爲不作有邊等諸見皆依未來世爲作不作者亦據現在之我爲更作未來世我爲不作若更作則始終不異則是無邊若不更作則與身俱盡便是有邊下半明起見處也

問此二偈既是立邪見是決定義云何乃言爲有爲無爲作爲不作答上半明見本見本卽是邪疑故云爲有爲無下半明世間常等見始是見也我於過去世爲有爲無爲有無爲非有非無是名常

等諸見依過去世。我於未來世爲作爲不作爲作不作爲非作非不作。是名邊無邊等諸見。依未來世如是等諸邪見。

疏無文。

何因緣故名爲邪見。是事今當說。

生起第二破。開爲二別。初一周。就理破二世八見。次周指事破二世八見。破此八見。不出事理二周。如青目解大乘八不。亦就事理二周。龍樹解八不。始末亦約事理二周。今破小乘八見。卽小乘八不。亦就此二也。

就理破二世八見卽爲二別前廣破初偈四見次略類後偈四見以世異見同故略類之耳

就初又三前六偈破常有句次四偈破斷無句後一偈合破亦常亦無常亦有亦無二句此三從廣至略者一者前後互類二者常爲四句之初在初旣破餘中後易除故前廣而後略也

初六偈中前偈總非下五偈別破卽是釋非

過去世有我是事不可得過去世中我不作今世我初偈爲二上半牒有而非有下半正明過去不作今過去世有我者明我遍五道通於三世故過去

世本有現在之我。今總非之。故云不可得。下半明過去不作。今者既古今一。寧有古我作今。若古作今。則不常不徧。若是常徧。便不作也。又若本有此我。可得以本爲今。本實無我。故本不爲今。又外人謂古我猶是今我。故名爲作今。非此作也。又古天應是今人。天人一體。貴賤同質也。

下第二五偈。別破釋非。開爲四別。初一行半破離陰。我次一行半破。卽陰我次一偈。重破離陰。後復一偈。總結非卽離。

若謂我卽是而身有異相。

就初又二。上半取意立義。次一偈正破。上半取意者。我徧古今不相作。但身異故。說言作耳。

若當離於身。何處別有我。離身無有我。是事爲已成。次一偈破爲二。初半正破。次半結破。初半破云。若我徧五道而身不徧。我通三世身不通者。離身何處有我。又若言我是本我。而身非本身。則我離身何身處有耶。此卽破小乘人犢子及假有體家。次半偈結者。上大乘觀中處處已破離陰。我竟今但略標。故云此事爲已成也。

若謂身卽我。若都無有我。

第二次破卽陰亦開爲二。初半牒外義第二一偈正破。初有二句。第一句正改離。捉卽若都無我者。釋此句不同。有人言此是破也。汝旣避前離破立。卽義者等是避破。何不言無耶。故云若都無有我。又釋彼計我是常身爲無常。今身卽是我。便都無有我。但是無常身耳。何處有我。又釋離身旣無更不過二。若卽是若都無。此釋爲正也。

此偈望前合有二雙。謂卽離一雙及有無一雙。合此二雙還成一雙。卽離是有都無是無。謂有無一雙也。

但身不爲我身相生滅故云何當以受而作於受者。  
餘二章破如文可解。

若離身有我是事則不然。無受而有我而實不可得。  
此第三重破離。以計我者多。謂我唯是一。但六道  
身異。如莎提比丘識唯是一。而六道身異。故重破  
之。上半牒非。下半正破。前直明離身不見別有我。  
今明無身應當有我。故兩門破離其義異也。無身  
有我。可具二義。一者如本住品未受身前已有我。  
二者直令無身而有我也。

今我不離受。亦不卽是受。非無受非無。此卽決定義。

第四章結破爲二。上半結非卽離。次句結非有無。卽前兩雙之義也。又初句結第一破離門。第二句結破卽門。非無受結第三重破離門。非無結前破。卽中若都無有我門。此是決定義者。非卽非離。非有非無。此是小乘中決定義也。以小乘中有假名。我故非是都無。

我於過去世有者。

釋總別二章。則爲二。別釋初偈爲三。一牒。二非。三釋初句如文。

是事不然。

第二總非此二門釋上半。

何以故。

下第三卽釋下半。又開爲二。一者正破。二取意破。先世中我不卽作。今我有常過故。若常則有無量過。正破中又三。初總標常過。

何以故。

次釋常過。有無常過。故下第三結常過。

如人修福。因緣故作。天然後作人。若先世我卽是今世我者。天卽是人。又人以罪業。因緣故作。旃陀羅後作婆羅門。若先世我卽是今我者。旃陀羅卽是婆羅

門。

就釋中又三一法說。

譬如舍衛國婆羅門名提婆達。到王舍城亦名提婆達。不以至王舍城故爲異。

第二譬說。

若先作天後作人。則天卽是人。旃陀羅卽是婆羅門。但是事不然。何以故。天不卽是人。旃陀羅不卽是婆羅門。有此等常過故。

第三合譬。此中大意。明古今我一者。則天人一體。貴賤同質也。

若謂先世我不作今我。

第二取意破。就文又三。一牒立一總非。三釋難。就牒中文三法譬合。初法說。

如人洗衣時名爲浣者。刈時名爲刈者。而浣者與刈者雖不異。而浣者不卽是刈者。

第二譬說。

如是我受天身名爲天。我受人身名爲人。我不異而身有異者。

三合譬。

是事不然。

## 第二總非。

何以故。若卽是人者。不應言天作人。

## 第三釋非。就文又二。初破法說。

今浣者於刈者。爲異爲不異。若不異。浣者應卽是刈者。如是先世天卽是人。旃陀羅卽是婆羅門。我亦有常過。若異者。浣者卽不作刈者。如是天不作人。我亦無常。無常則無我相。是故不得言卽是。

第二破譬。又開二別。初兩闕定之。次設二難如文。問曰。我則是。但因受故。分別是天是人。受名五陰身。以業因緣故。分別是天是人。是旃陀羅是婆羅門。而

我實非天非人非旃陀羅非婆羅門。是故無如是過。  
釋第二段五偈。前分五偈。開爲四門。今釋四。則四  
初離門爲二。第一上半偈。取外人意。第二偈。正破。  
今釋此二。卽二也。前釋第一。外云。古今我一故。今  
我猶是昔我。今身非昔身故。不得貴賤同軀。人天  
一體。

答曰。

下釋第二。二行偈。正破。偈本爲二。初半行。正破。次  
半行。結破。今前釋第一。文開四別。一正破。二救。三  
破救。四總結。

是事不然。

破中初總非。

何以故。

下釋非文三。

若身作天。作人。作旃陀羅。作婆羅門。非是我者。則離身別有我。今罪福生死往來。皆是身非是我。罪因緣故。墮三惡道。福因緣故。生三善道。若苦樂瞋喜憂怖等。皆是身非我者。何用我爲。

初法說。牒彼義。作無用破。

如治俗人。罪不預出家人。

次舉喻破。

五陰因緣相續罪福不失故有解脫。若皆是身非我者。何用我爲。

合喻。

問曰。罪福等依止於我。我有所知。身無所知。故知者應是我。起業因緣罪福是作法。當知應有作者。作者是我身。是我所用。亦是我所住處。譬如舍主以草木泥墜等治舍。自爲身故。隨所用治舍。有好惡。我亦如是。隨作善惡等得好醜身。六道生死皆我所作。是故罪福之身皆屬於我。譬如舍但屬舍主。不屬他人。

破第二救。又三。謂法喻合。正明我有用。非是無用。言有用者。有二種用。一。所依用。二。造作用。法譬合中。皆有二用。細尋文易解知也。

答曰。

下第三破救。十難。開爲五別。一。破作者。二。破見者。三。重破作者。四。重破見者。五。總破有我。

是喻不然。何以故。舍主有形。有觸有力。故能治舍。汝所說我無形無觸。故無作力。自無作力。亦不能使他作。若世間有一法無形無觸。能有所作者。則可信受。知有作者。但是事不然。

初又二。初奪破我。明無有作義。

若我是作者。則不應自作苦事。若是念者。可貪樂事。不應忘失。若我不作苦。而苦強生者。餘一切皆亦自生。非我所作。

## 第二縱破。

若見者是我。眼能見色。眼應是我。若眼見而非我。則違先言見者是我。

破見者是我。亦二。初奪破。但是眼見。非是我見。

若見者是我。我則不應得聞聲等諸塵。何以故。眼是見者。不能得聞聲等諸塵故。是故我是見者。是事不

然。

第二縱破縱我能見應不得餘塵也。

若謂如刈者用鎌刈草我亦如是以手等能有所作者。是事不然。何以故。今離鎌別有刈者。而離身心諸根別無作者。

第三重破作者亦二。初奪破。

若謂作者雖非眼耳等所得。亦有作者。則石女兒能有所作。如是一切諸根皆應無我。

第二縱破。

若謂右眼見物而左眼識。當知別有見者。是事不然。

今右手習作左手不能。是故無別有作者。若別有作者。右手所習左手亦應能而實不能。是故更無作者。

第四重破見者亦二。第一並破。

復次。有我者言見他食果。口中涎出。是爲我相。是事不然。何以故。是念力故。非是我力。又亦卽是破我因緣。人在眾中。愧於涎出。而涎強出。不得自在。當知無我。

第二自破。又爲二。初釋非我用。次明白破。

復次。又有顛倒過罪。先世是父。今世爲子。是父子我一。但身有異。如從一舍至一舍。父故是父。不以入異。

舍故便有異。若有我是二應一。如是則有大過。

第五總破有我。又開二別。一者正破。二遮通。正破又三。謂法譬合。如文。

若謂無我五陰相續中亦有是過。是事不然。

第二遮通遮通者。外云。汝若言始終一。我有顛倒過者。汝義雖復無我而始終一。五陰亦應有顛倒過。若始終一。陰無顛倒過者。我義亦然。今遮外此通名爲遮通。就文爲四。一牒外難而總非。

何以故。五陰雖相續。或時有用。或時無用。如葡萄漿持戒者。應飲葡萄酒。不應飲。若變爲苦酒。還復應飲。

五陰相續亦如有用有不用。

正釋非明五陰生滅非常是非一陰故無有顛倒過也。

若始終一我有如是過。

### 第三重顯外過。

五陰相續無如是過但五陰和合故假名爲我無有決定如梁椽和合有舍離梁椽無別舍如是五陰和合故有我若離五陰實無別我是故我但有假名無有定實。

### 第四重顯內無過。

汝先說離受別有受者。以受分別受者是天是人。是皆不然。當知但有受無別受者。

#### 第四大段總結

若謂離受別有我。是事不然。若離受有我。云何可得說是我相。若無相可說。則離受無我。

釋偈中離身無有我。是事爲已成也。卽是釋第二結破也。

若謂離身無我。但身是我。

釋偈中第二破卽陰我。偈中爲二。初半偈取意。次一偈正破。今還釋此二也。半偈取意中有二句。第

一句云若謂身卽我。次句云若都無有我。今還牒二句。若謂離身無我。牒第一句。但身是我。牒第二都無句。

是亦不然。何以故。身有生滅相。我則不爾。復次云。何以受卽名受者。

釋第二。開兩門。破卽陰。文易知也。

若謂離受有受者。是亦不然。若不受五陰而有受者。應離五陰別有受者。眼等根可得。而實不可得。

第三釋重破離。

是故我不離受。不卽是受。亦非無受。亦復非無。此是

定義。

釋第四總結破。

是故當知過去世有我者是事不然何以故。

生起第二四偈破前第二句過去世我不作今我所以須此長行生起者計過去世四句皆言過去世有我然後方論其作不作亦作不作非作非不作上來就卽離門求我不可得論何物作不作耶是故前結過去世無我然後始破其過去我不作今我四偈亦開爲二第一偈總非次三偈別破。過去我不作是事則不然過去世中我異今亦不然。

初偈爲二。上半牒不作。總非不作。下半牒異非異。問。上言我於過去世爲有爲無。今云何。乃言過去世有我。不作。今我答前明過去無者。無現在我耳。又前偈云。我於過去世爲無者。現在我於過去爲無耳。不言過去都無有我。現在新有我也。問。前長行結云。過去世無我。今何故。乃云過去我不作耶。答。前長行是結上奪破。明無。今縱有之。卽就其責。覓又不可得。亦是無也。

若謂有異者。離彼應有今。我住過去世。而今我自生。如是則斷滅。失於業果報。彼作而此受。有如是等過。

先無而今有此中亦有過。我則是作法亦爲是無因。  
次三偈別破。卽爲三意。第一偈明有相離過。第二  
偈傳顯相離復有過。第三偈更廣出其二過。問云。  
何失因果耶。答過去我造善惡因。竟不得果。故是  
無果。現在受苦樂。我非過去我。則不修因。故失因  
果也。並易見也。

過去世中我不作。今我是事不然。何以故。過去世中  
我與今我不異。若今我與過去世我異者。應離彼我  
而有今我。又過去世我亦應住彼。此身自更生。若爾  
者。卽墮斷邊。失諸業果報。又被人作罪。此人受報。有

如是等無量過。又是我應先無而今有。是亦有過。我則是作法。亦是無因生。是故過去我不作。今我是事不然。

疏無  
文。

復次。

如過去世中。有我無我見。若共若不共。是事皆不然。第三章一偈。次破其第三。亦作不作。非作非不作。二句。所以但有一偈破者。前二門十偈。以廣破根本。二句。後二句。既是枝末。是故略破。又亦作亦不作。猶是作不作耳。非作非不作。亦是作不作耳。故

以前攝後。既破前二。後二卽破也。問。今但應破後二句。何故總非四句耶。答。一欲以前攝後。二欲以前例後。前二既去。則例後亦亡。

如是推求過去世中邪見有無。亦有亦無。非有非無。是諸邪見先說因緣過故。是皆不然。

疏無文。

我於未來世爲作爲不作。如是之見者皆同過去世第二一偈。次破未來世四見。問。何故但一偈破。答。一欲以前例後。二明世異見同。若破於前卽是破後也。

我於未來世中爲作爲不作如是四句如過去世中過咎應在此中說。

疏無文。

復次。

下第二周指事破二世八見卽爲二別初破過去世四見又開二周第一就卽事破於四見第二就道理破除四見事理一雙又初周就末破四見次破無始義就根本破四見謂本末一雙又初破外道四見次破小乘迷教墮於四見卽內外一雙又初就人破四見次就法破四見謂人法一雙故知

斷常等有二。一者人斷常。二者法斷常。卽是小乘中生法二空也。初四偈破四見。卽爲四別。

若天卽是人。則墮於常邊。

初偈上半牒明墮常過者。上四偈言奪破明過去我不作。今此偈縱開。若過去天作人。天則爲常。天則爲無生。常法不生故。

下半出常過者。外人明過去天作人。卽是常義。不以常義爲過。故下半顯常有過。明天旣是常。常則徧於五道。通在三世。云何有過去之天生人中耶。若天卽是人。是則爲常。若天不生人中。云何名爲人。

常法不生故常亦不然。

疏無  
文。

復次。

若天異於人。是卽爲無常。

上半牒明有無常過者。明過去天與現在人異。過  
去天不作今人。若爾則墮無常。

若天異人者。是則無相續。

下半出無常過者。外人旣執人天異體。卽是立無  
常義。不以無常爲咎。故下半傳顯無常之過。問。無  
常有幾過耶。答。有上破過去世四偈中過。復有無

相續過如此文說。則昔天自住於昔。不轉天爲人。今人自生於今。非人續天。故無相續也。

若天與人異。則爲無常。無常則爲斷滅等過。如先說過。若天與人異。則無相續。若有相續。不得言異。

疏無文。

復次。

若半天半人。則墮於二邊。常及於無常。是事則不然。上半牒明墮二邊。其人見上有過。故今明天人相異。故不卽。非餘眾生故不異。而不知因果相續。不卽不異。便謂天分猶在人分更增。猶在故。卽是半。

天。故常更增故。卽是半人。故無常。天分由在。則此  
分爲天。人分更增。則彼分是人。人天兩分。合成一  
身。何得爾耶。故下半直非也。

若眾生半身是天。半身是人。若爾。則有常無常。半天  
是常。半天是無常。但是事不然。何以故。一身有二相  
過故。

疏無  
文。

復次。

若常及無常。是二俱成者。如是則應成。非常非無常。  
半天是常。半天無常者。此據天爲言耳。若約人。返

上可解外人避上二過欲令立義明天雖有我不妨作人論主若爾天有我故是常作人故無常故半天半人則墮常無常二過也數人及光宅義明補續義天滅於前後人補處此同第二句義開善明轉變續者則有二力前舉體滅不作人此是無常復有不滅轉變作後人義此則是常同第三句義。

若常無常二俱成者然後成非常非無常與常無常相違故今實常無常不成是故非常非無常亦不成。

疏無  
文。

復次。今生死無始。是亦不然。何以故。

用前第三句破第四句。以外人見前第三句過。便欲會之爲一。以更增故。非常。猶在故。非無常。是故今偈上半還牒前二句不成。下半明第四句亦不成也。

法若定有來。及定有去者。生死則無始。而實無此事。生第二周就根本破於四見。佛爲聲聞人令厭離生死。故說生死長遠無始。而稟教不了者。聞過去世無始。便謂是常。故今破之。光宅云。眾生無頭波若無底。何處有始耶。開善云。始於無明初念而言。

無始者無復始於此者名無始耳。地論云。生死無始。違真起妄。此妄與真同年。真既無始。妄亦復然。今偈正破無始。

就文爲二。初破無始。辨無有常義。第二偈以無常故。例破後之三句。

法若決定有所從來有所從去者。生死則應無始。是法以智慧推求。不得有所從來有所從去。是故生死無始。是事不然。

疏無  
文。

復次。

意云求諸法往來義成可有無始。既無往來則無  
無始。此文分明辨小乘教中有法空義。又是破執  
小乘教起迷也。又亦得破外道計無始者也。

今若無有常云何有無常。亦常亦無常。非常非無常。  
舉初句例破後三句。前偈明台三句無故。後句無  
也。既破無始墮於常見。亦破有始墮於斷見。如是  
亦始亦無始。非始無始。墮後二見也。

若爾者以智慧推求。無法可得常者。誰當有無常。因  
常有無常故。若二俱無者。云何有。亦有常亦無常。若  
無有常無常云何有。非有常非無常。因亦有常亦無

常故有非有常非無常是故依止過去世常等四句  
不可得。

疏無  
文。

有邊無邊等四句依止未來世是事不可得今當說  
何以故。

生第二破未來世四見前破過去世四見始終合  
有三周初十一偈一周就理破過去世四見次一  
周四偈就事破過去世四見後一周兩偈就無始  
破過去世四見所以三周破者凡有三義一者初  
十一偈名爲廣破次四偈明處中破後兩偈是略

破破見之術。不出此三。此三既無衆見都滅。又初爲上根。一聞則悟。次爲中根。再聽方了。後爲下根。三聞始達。又雖有三周。合之爲二。前兩周破外見。後一周除內迷。此二既除。則衆見並息。今九偈破未來世四見。亦開三門。初五偈破邊無邊二句。次三偈破亦邊亦無邊一句。後一偈破非邊非無邊。初是廣破。次處中破。後是略破。又廣略互顯也。又初二句爲本中之本。故須廣破。次第三句爲末中之本。故須處中破。後爲末中之末。是故略破。問前周明無未來與今何異。答上明世異。以見同故。以

當類過非是正破未來。今此一周是正破未來故。前破過去既有三周。今破未來四見。亦作三周破也。問破過去世四見。與破未來四見何異。答前破過去四見。束爲三類。六偈廣破初句。次四偈處中破第二句。後一偈略破後二句。今則分句與上不。同。如前釋也。復有異義。文自顯之。

就初五偈爲四。初標破邪見章門。第二標正見章門。次兩偈釋邪見章門。次一偈釋正見章門。此是攝山大師作分也。

又一意爲三。初偈標非邊無邊。次三偈釋非邊無

邊次引四百觀論證非邊無邊。於三偈爲二。初偈標章門。二偈釋章門。

若世閒有邊。云何有後世。若世閒無邊。云何有後世。意明有邊無邊俱無後世。有邊則與陰同盡。故無後世。無邊便卽是此身故。無復後世。今實有後世。故非邊無邊。

若世閒有邊。不應有後世。而今實有後世。是故世閒有邊不然。若世閒無邊。亦不應有後世。而實有後世。是故世閒無邊亦不然。

疏無  
文。

復次是二邊不可得何以故。

五陰常相續猶如燈火。燄以是故世間不應邊無邊。  
明陰陰相因故。非今非後。所以然者。陰陰相因。是  
故不斷。所以非邊。念念滅故。非是無邊。卽小乘正  
見也。

從五陰復生五陰。是五陰次第相續。如眾緣和合有  
燈燄。若眾緣不盡。燈則不滅。若盡則滅。是故不得說  
世間有邊無邊。

疏無  
文。

復次。

次兩偈釋邪見章門又二。

若先五陰壞不因是五陰更生後五陰世間則有邊  
初偈明若前陰壞不更生後可是有邊前陰雖滅  
而生後陰故非是有邊。

若先陰不壞亦不因是陰而生後五陰世間則無邊  
次偈明前陰不滅不因前陰而生後陰此則爲常  
可名無邊而實不爾故非無邊。

若先五陰壞不因是五陰更生後五陰如是則世間  
有邊若先五陰滅已更不生餘五陰是名爲邊邊名  
末後身若先五陰不壞不因是五陰而生後五陰世

閒則無邊是則爲常而實不爾是故世閒無邊是事  
不然世閒有二種國土世閒衆生世閒此是衆生世  
閒。

世閒有二種今說衆生世閒者小乘雖具明二空  
而多說生空又國土可三災洞盡物多不計之爲  
常衆生轉如循環物多計之常故偏破衆生。

復次如四百觀中說。

此生第四釋正見章門付法藏經云提婆菩薩造  
四百論今注人引之將來破二邊也亦可是龍樹  
自引例如龍樹智度論第十八卷歎波若偈此是

羅賈法師所作。但龍樹羅賈提婆。既是同時人。所以智度論引羅賈所說。此處引提婆之言。亦可別有此論。今所未詳。

眞法及說者。聽者難得故。如是則生死非有邊無邊。偈意明得眞法說者。及以聽者則生死便盡。故非定無邊。不得三事。則非定有邊。問云。何得耶。答其說法者。無說無示。其聽法者。無聞無得。如此之悟。則無邊邊。與此相違。邊而無邊。

不得眞法。因緣故。生死往來。無有邊。或時得聞眞法。得道故。不得言無邊。

疏無  
文。

今當更破亦有邊亦無邊。

生第二破第三句三偈爲二。

若世半有邊世閒半無邊是則亦有邊亦無邊不然  
初偈牒而總非卽是章門。

若世閒半有邊半無邊則應是亦有邊亦無邊若爾  
者則一法二相是事不然何以故。

疏無  
文。

彼受五陰者云何一分破一分而不破是事則不然  
受亦復如是云何一分破一分而不破是事亦不然。

次兩偈。正破釋章門也。釋中爲二。初偈就人破。次偈就法破。就人破者。明人不應一分破。一分不破。不破是常。破是無常。一人不得亦常無常。次偈就法易知也。

受五陰者。云何一分破。一分不破。是事不得亦常亦無常。受亦如是。云何一分破。一分不破。常無常二相過故。是故世間亦有邊亦無邊。則不然。

疏無  
文。

今當破非有邊非無邊見。

生第三章破第四非有邊無邊。用第三句破第四

句。

若亦有無邊。是二得成者。非有非無邊。是則亦應成文易知也。

與有邊相違。故有無邊如長相違有短。與有無相違。則有亦有亦無。與亦有亦無相違。故則有非有非無。若亦有邊亦無邊。定成者應有非有邊非無邊。何以故。因相待故。上已破亦有邊亦無邊第三句。今云何當有非有邊非無邊。以無相待故。如是推求。依止未來世有邊無邊等四見。皆不可得。

疏無  
文。

復次。

論有三分。初二十五品破大乘人法。辨大乘觀行。次兩品破小乘人法。明小乘觀行。此二竟前。今第三重明大乘觀行。生起來意。具如初品。兩偈爲二。初偈重廣明大乘觀行。次偈推功歸佛。又初偈明美法。次偈辨讚人。

一切法空故。世閒常等見。何處於何時。誰起是諸見。初偈來意者。上說未盡。今略明之。一者初大後小。明小從大。出顯出生義。次前小後大。明收入義。出生則從實起權。收入則攝權順實。蓋是三世十方。

諸佛始終權實之大意也。又依攝大乘論。乘有三種。一者小乘。二者大乘。三者一乘。一乘最勝。前兩品明小乘觀行。二十五章明大乘觀行。今此一章辨一乘觀行。則具破三種乘迷。具申三種乘教。又自前二章但破大小乘諸見。今作一偈通破大小乘諸見之根問云。何名爲見根耶。答。一。有起見人。謂九道眾生。二。起見處。淨穢諸土。三。起見時。謂三世也。由此三種能生大小諸見。今此品中明此三畢竟皆空。故無起見根。以根無故。諸見不起。又接此邪見品生者。小乘破我及斷常等。雖復已竟。論

主猶謂不盡此但破凡夫見耳。未破二乘見。及菩薩見。故不暢大士之懷。故復以大乘畢竟空水洗之。令諸見時方見者。一切無遺也。又自上已來破大小邪見。惑者便起邪正二心。大小兩念。故今明邪正平等。大小無二。方攝爲理極。故說此偈也。又說法有二。前略後廣爲解義。故前廣後略爲易持。故今是示易持。故最後說大乘法空。

就偈爲二。初句標一切法空。謂橫周萬法。豎窮四句。畢竟皆空。卽顯正也。次三句明於破邪。初句辨無所起見。次辨無起見處。及起見時並起見人。

上以聲聞法破諸見。今此大乘法中說諸法從本以來畢竟空性。如是空性法中無人無法。不應生邪見正見。處名土地。時名日月歲數。誰名爲人。是名諸見體。若有常無常等決定見者。應當有人出生。此見破我。故無人生。是見應有處所。色法現見尙可破。何況時方。若有諸見者。應有定實。若定則不應破。上來以種種因緣破。是故當知見無定體。云何得生。如偈說。何處於何時。誰起是諸見。

疏無  
文。

瞿曇大聖主。憐愍說是法。悉斷一切見。我今稽首禮。

第二推功於佛。所以推功者。自上以來。橫破萬法。豎窮四句。物謂蓋是龍樹自作。非佛誠言。便於此論。不生信受。是故今推功歸佛。明上來之破。皆是佛說。非是我也。若不生信。不信佛。二者總釋大小乘。觀破邪見。意明上來作此破者。但是佛破邪見耳。非有物可破。如百論云。愚人謂燄爲水。知者告之言。此非水也。爲破水想。實無水可破。三者經有序。正流通。今影大乘經。亦明三義。初標宗。稱歎致敬。次後造論。破邪申教。破邪既訖。還稱歎致敬也。偈分爲二。一者稱歎。二者致敬。稱歎爲二。初歎人。

兩句歎法瞿曇者此云泥土卽是姓也有二因緣  
一者釋迦先祖爲王厭世出家事瞿曇仙人時人  
呼師爲大瞿曇以資爲小瞿曇卽從師姓也次小  
瞿曇被害以後大瞿曇以土和其血分爲兩分還  
遂各生男女因是以來有瞿曇姓稱也問何故不  
云釋迦而稱瞿曇答瞿曇是本姓故也。

一切見者略說則五見廣說則六十二見爲斷是諸  
見故說法大聖主瞿曇是無量無邊不可思議智慧  
者是故我稽首禮。

略說五見及六十二見者此偏舉外道見耳然二

乘及有所得大乘皆是一切見也。

中觀論疏卷二十六

此論疏二十六卷連圈計字三十三萬七千三百七十二箇由願款支付刻費洋七百二十六圓二角二分

民國三年冬十二月

金陵刻經處識

中論科判品目攝領表

甲初二十五品破大乘迷失明大乘觀行二

乙初二十一品破世間人法明大乘觀行三

丙初十七品破稟教邪迷顯中道實相二

丁初七品略破人法明大乘觀行

第一觀因緣品

第二觀去來品

第三觀六情品

第四觀五陰品

第五觀六種品

第六觀染染者品

第七觀三相品

①次十品廣破人法辨大乘觀行

第八觀作作者品

第九觀本住品

第十

觀然可然品

第十一

觀本際品

第十二

觀苦品

第十三

觀行品

第十四

觀合品

第十五

觀有無品

第十六

觀縛解品

第十七

觀業品

②次一

品明得益

第十八

觀法品

③後三

品重破邪迷重明中道實相

第十九

觀時品

第二十

觀因果品

第二十一

觀成壞品

④後四

品破出世法明大乘觀行

第二十二

觀如來品

第二十三 觀顛倒品

第二十四 觀四諦品

第二十五 觀涅槃品

第二十六 破小乘迷執辨小乘觀行

第二十七 觀邪見品

第二十八 觀行推功歸佛邪見品末

第二十九 後二偈重明大乘觀行推功歸佛邪見品末

中論科判

觀因緣品第一

①初牒八不敘造論意二

②初牒八不三

③初正牒八不明所申教體——不生四句

④次歎八不之用——能說二句

⑤三敬美人法——我稽二句

⑥次敘造論意此科在長行內今不錄全書例此

⑦次重牒八不解釋二

⑧初青目釋八不——不錄長行

⑨次龍樹自釋八不二

⑩初因緣品釋八不之始三

⑪初舉四門釋無生二

⑫初開章門——諸法四句

戊次釋章門

如諸四句

丁

次外立四緣

證有生

因緣四句

丁

三破四緣

顯無生三

戊

初破四緣

能生果果不從四緣生三

己

初總破四緣

生義二

庚

初雙定二關

果為四句

庚

次俱設二難二

辛

初釋前偈上半明破果義

因是四句

辛

次釋前偈下半破緣義

果先四句

己

次別破四緣

庚

初別破因緣

若果四句

庚

次別破次第緣

果若四句

庚

三別破緣緣

如諸四句

庚

四破增上緣

諸法四句

④三結破——略廣四句

⑤次明非緣不能生果果不從非緣生義

若謂四句

⑥三破四緣結破二

⑦初結無所生之果——若果大句

⑧次結無能生非緣——以果二句

## 觀去來品第二

⑨次去來品釋八不之終四

⑩初三時門破二

⑪初破去者三

⑫初破法去三

⑬初破——已去四句

⑭次救——動處四句

⑮三破救四

⑯初無體破——云何四句

②次各體破——若言四句

②三二法破——若去四句

②四兩人破——若有四句

②次破人去二

②初開奪破——若離四句

②次縱破二

②初開三門而總非——

去者四句

②次解章門以釋非三

②初無體破——若言四句

②次二法破——若去四句

②三各體破——若謂四句

②三破去因四

②初開三時門——已去四句

②次釋三時門——未發四句

②三破三時門——無去兩句

庚四總結——一切兩句

戊次破住住者四

己初明三時門無住——去者四句

己次偏釋初門無住——去者四句

己三舉三時門重破去者住——

去未兩句

己四類破餘法——所有兩句

丁次一異門破三

戊初雙牒雙定——去法四句

戊次雙牒雙難二

己初破一——若謂四句

己次破異——若謂四句

戊三雙結雙呵——去去四句

丁三因緣門破二

戊初破者不能用是去——因去四句

戊次破者不能用異去——因去四句

①四有無門破三

②初明定有人無人不能用法

③決定四句

④次明定有法無法人不能用

⑤去法兩句

⑥三結人法能所一切都空

⑦是故兩句

### 觀六情品第三

①初立——眼耳四句

②次破二

③初正破眼情六

④初正破——是眼四句

⑤次指前破——火喻四句

⑥三重破——見若四句

④四法無故人無	見不四句
⑤五人無故法無	離見四句
⑥六因無故果無	見可四句
⑦次類觀餘五	耳鼻四句

# 觀五陰品第四

①初求五陰畢竟空二

②初觀色陰空三

③初作因果不相離門破二

④初標章門——若離四句

⑤次釋章門二

⑥初釋離因無果門——離色四句

⑦次釋離果無因門——若離四句

⑧次就有因無因門破三

⑨初就有因門破——若已四句

⑩次就無因門破——無因兩句

①三直阿之——是故兩句

②三就相似不相似門破——若果四句

③次觀四陰空——受陰四句

④次歎美畢竟空二

⑤初離空不成答——若人四句

⑥次離空不成問——若人四句

### 觀六種品第五

①初破相明無相門二

②初破虛空二

③初破虛空之法二

④初破虛空是有四

⑤初舉能相破所相二

⑥初正破——空相四句

⑦次傳破——是無兩句

⑧次舉所相破能相二

②初明無所相故能相何所相

於無兩句

③次開二門重責能相有相四句

④三相可相相待破相法四句

⑤四結束攝法破是故四句

⑥次破虛空是無若使兩句

⑦次破知空之人有無兩句

⑧次類餘五種是故四句

⑨次呵責門破理實明無即呵其無而謂有

淺智四句

# 觀染染者品第六

⑩初前後門破二

⑪初明前有前無人不能起染二

⑫初雙縱若離四句

⑬次雙奪若無兩句

乙次前有前無染不能染人——若有二句

甲次一時門破——染者四句

甲三一異門破二

乙初奪一異——染者四句

乙次縱一異——若一四句

甲四偏就一異門破二

乙初縱異有合合則無用——若異四句

乙次明無用故無合——若染四句

甲五呵責二

乙初序其失宗——異相四句

乙次呵責其欲合——異相四句

甲六類破餘法——如是四句

### 觀三相品第七

甲初破有三相二

乙初正破三相二

③初總破三相三

①初為無為門破——若生四句

②二聚散門破——三相四句

③三窮無窮門破——若謂四句

④次別破三相三

①初破生三

②初破展轉相生三

③初外立二義——生生四句

④二破二

①初破小生生大——若謂四句

②次破大生生小——若謂四句

③伏救破救二

①初破小生於大——若生四句

②次破大生於小——若本四句

③次破不展轉相生二

④初立——如燈四句

己次破二

庚初二偈破明到暗而能破暗二

辛一已成燈不見暗

燈中四句

辛次初生燈不見暗

云何四句

庚次二偈破明不到暗而能破暗二

辛初近遠相次破燈若四句

辛次明暗比並破若燈四句

戊三雜破眾師計生七

己一己未門此生四句

己次三時門生非四句

己三寂滅門二

庚初奪若謂四句

庚次縱若法四句

己四三世門若有四句

⑤五並決門二

庚初牒而責——若言四句

庚次兩關難——若謂四句

⑥六有無門——有法四句

⑥七滅不滅門——若諸四句

⑦次破住三

戊初三時門——不住四句

戊次滅不滅門二

⑧初滅不滅正破——若諸四句

⑧次偏釋初下半——所有四句

戊三自他破——住不四句

⑨三破滅二

戊初一周破滅四

⑩初三時門——法已四句

⑩次住不住門——法若四句

⑩三一異時門——是法四句

②四相待門——如一四句

⑤次復一周破滅三

②初法體有而不得滅相

若法四句

②次法體無則無所滅——若法四句

③三舉生相破滅相——法不四句

②次破法體——生住四句

④次破無三相——如幻四句

# 觀作作者品第八

④初破作作者卽是破因中人法二

②初破有人法見四

③初實有實無門二

①初標章門——決定四句

①次釋章門三

⑤初釋章門——決定四句

戊次顯人法俱有則墮無因過

若定四句

戊三傳釋無因過——若墮三偈

丙二半有半無門——作者四句

丙三一有一無門——有不四句

丙四一三門破二

丁初明一人不能作三業——作者四句

丁次明三人不能作一業——作者四句

乙次破無人法見——因業四句

甲次一偈破受受者破果中人法——如破四句

### 觀本住品第九

甲初破本住明眾生空義三

乙初就六根之前檢無本住二

丙初立二

丁初以法證人——眼耳四句

①次以人證法——若無四句

②次破三

①初責相破——若離四句

①次並決破——若離四句

①三徵宗破——以法四句

②二就六根之內檢無本住三

②初破——一切四句

②次救——若眼四句

③三破救二

①初一神破——見者四句

①次多神破——若見四句

②三就四大之中檢無本住——眼耳四句

③次破諸根明法空義——若眼四句

④三呵責外人橫計人法——眼等四句

觀然可然品第十

①初破外餘說六

②初一異門二

③初雙破一異——若然四句

④次偏破異三

⑤初破四

⑥初四失破——如是四句

⑦次二失破——然不四句

⑧三取意破——若汝四句

⑨四伏宗難——若異四句

⑩二救——然與四句

⑪三破救——若謂四句

⑫次相待門二

⑬初破成而待二

⑭初定——若因四句

⑮次受定——若因四句

⑯次破待而成二

①初正破——若法四句  
②次釋破——若法四句

③三因不因門破——因可四句

④四內外門破——然不三句

⑤五三時門破——餘如一句

⑥六五求門破——可然四句

⑦次破其法說——以然四句

⑧三法喻既窮而呵責之——若人四句

### 觀本際品第十一

①初破無生死本際二

②初破無生死始終中間二

③初明無終始——大聖四句

④次明無中間——若無兩句

⑤次破無生死二

⑥初總標三種無——是故兩句

丙次釋三無三

①初釋生死非前後義二

戊初破前生後死——若使四句

戊次破前死後生——若先四句

①次釋生死非一時義——生及四句

①後結三無呵外說有——若使四句

甲次破無一切法本際二

乙初引法——諸所四句

乙次破法——非但四句

## 觀苦品第十二

甲初總非四計——自作四句

甲次釋破四計二

乙初釋不自不他三

丙初明法不自他二

①初明法不自作——苦若四句

①次明法不他作——若謂四句

②次明人不自他二

①初明人不自——若人四句

①次明人不他二

③初明陰外無人誰受苦——若苦四句

④次明陰外無人誰授苦——苦若四句

③三結人法不自他二

①初結人不自他——自作四句

①次結法不自他——苦不四句

②二釋不共不無因——若此四句

③三例破諸法——非但四句

# 觀行品第十三

④初破外人有虛妄人法——

⑤初立——如佛四句

乙次破二

丙初釋經——虛誑四句

丙次明破立——諸法四句

乙三救破——諸法四句

乙四破救二

丙初就有性無性門以破於異——若諸四句

丙次就老壯一異門明無異性二

丁初就二門破無異——是法四句

丁次偏破其即異——若是四句

甲次破外人執有空義——若有四句

甲三空有非空非有一切皆破——大聖四句

# 觀合品第十四

甲初縱異奪合二

乙初明見等三法異故無合——見可四句

乙次明一切法異故無合——染與四句

甲次正破無異二

乙初總標無異二

丙初明三法無異——異法四句

丙次明一切法無異——非但四句

乙次別釋無異二

丙初明無拳異二

丁初明拳不與指異——異因四句

丁次明拳不與瓶柱等異——若離四句

丙次辨無指異——異中四句

甲三明無異故無合——是法四句

# 觀有無品第十五

甲初離破有無四

乙初破自有——眾緣八句

乙 次破他性有——法若四句

乙 三破自他外有——離自四句

乙 四破無亦無——有若四句

甲 次合破有無四

乙 初序其四失而呵責之——若人四句

乙 次引佛說勸捨有無——佛能四句

乙 三重破有無成捨義二

丙 初就有性門破異——若法四句

丙 次就性無性門破異——若法四句

乙 四出有無過釋破有無所以二

丙 初標有無是斷常——定有四句

丙 次釋有無是斷常——若法四句

## 觀縛解品第十六

甲 初破縛解根本二

乙 初破縛解根本三

丙初作常無常破——諸行四句

丙次五求破——若眾四句

丙三有身無身破——若從四句

乙次破解本——諸行四句

甲次破縛解三

乙初總破縛解——諸行四句

乙次別破縛解二

丙初破縛二

丁初明不自縛——若身四句

丁次明不他縛——若可四句

丙次破解二

丁初破有為解——縛者四句

丁次破無為解——若不四句

乙三總結無縛解——不離四句

觀業品第十七

①初正破業體二

②初立四

③初明一業——人能四句

④次明二業——大聖四句

⑤三開二業爲三業——佛所四句

⑥四明七業二

⑦初明內業四——身業四句

⑧次明外業二及意業一——從用四句

⑨次破——業住四句

⑩次破業相續二

⑪初立二

⑫初通明業相續離斷常二

⑬初明外法相續離斷常卽是喻說三

⑭初正明相續——如芽四句

⑮次明相續有果——從種兩句

⑯三結離斷常——先種兩句

①次明內法相續離斷常卽是合喻  
「如是八句」

②次別出十善業能得果報——能成四句

③三破不失法二  
④前立三

⑤初序說——今當四句  
⑥二正說二

⑦初標二章門二  
⑧初標不失法——不失一句

⑨次標業——業如一句  
⑩次釋二章門二

⑪初釋不失門五  
⑫初三性門——此性一句

⑬二繫不繫門——分別一句  
⑭三斷不斷門——見諦二句

②四釋名門——以是兩句

③五破異門——若見四句

④次釋上業如負財物章門八

⑤初似不似門——一切二句

⑥次三界門——一界一句

⑦三業果不俱門——爾時一句

⑧四輕重門——如是一句

⑨五三報業門——現世一句

⑩六破異門——或言兩句

⑪七二滅門——若度兩句

⑫八漏無漏門——於是兩句

⑬甲四破斷滅邪見二

⑭乙初申二諦中道明業離斷常二

⑮丙初明二諦不斷常——雖空四句

⑯次明第一義諦無有生滅——諸業四句

⑰乙次破外人定性之業二

③初就業門破業二

①初破其未受果業四

⑤一顯性有義有於常過——若業四句

⑤二傳顯前下半不作業有過——

「若有四句

⑤三破世俗法過——是則二句

⑤四破罪福無差別過——作罪二句

①次破其過去已受果業義——若言四句

③次舉煩惱破業——若諸四句

⑤五破果報——諸煩四句

⑤六破起業人二

③初立——無明四句

③次破二

③初明因人法無——業不四句

③次明果人法無——無業四句

⑤七破現所見事二

乙初別明法喻二

丙初舉喻——如世四句

丙次合喻——如初四句

乙次總明法喻——諸煩四句

## 觀法品第十八

甲初明聲聞稟教得益二

乙初序聲聞教二

丙初明人無我——若我四句

丙次明法無我——若無二句

乙次明稟教得益二

丙初明得二無我智二

丁初正明得無我智——滅我二句

丁次歎法美人——得無四句

丙次明得涅槃二益二

丁初明無餘——內外四句

①次明有餘——業煩四句

④次明菩薩稟教得益二

②初明菩薩所觀之法二

③初標方便實相章門——諸佛四句

③次釋章門二

①初逐近釋實相章門——諸法四句

①次釋方便章門——一切四句

②次明菩薩得益人相二

③初明得實方便二智益二

①初明得實慧益——自知四句

①次明得方便慧益——若法四句

③次明得涅槃果益——不一四句

④三明緣覺得益——若佛四句

# 觀時品第十九

①初待不待門破二

②初就待不待門破時二

③初就待過去不待過去無有二時二

④初就相待門破二

⑤初明相待則相在——若因四句

⑥次明不相在則不相待——若過四句

⑦次就不待門破——不因四句

⑧次例破餘二時——以如二句

⑨次破法——上中二句

①次就體相門破二

②初時體無故相無——時住四句

③次時相無故時無——因物四句

## 觀因果品第二十

①初別破十家因果五

②初有無一雙四

丙 初明因中有果何假緣生——若眾四句  
丙 二因中無果緣何能生——若眾四句

丙 三重破有果——若眾四句  
丙 四重破無果——若眾四句

乙 次與果不與果一雙二  
丙 初破因與果作因——若因四句

乙 三 一破因不與果作因——若因四句  
乙 三 一時前後一雙二

丙 初破因果一時——若眾四句  
丙 次破前果後因——若先四句

乙 四 因滅變因滅不變一雙二  
丙 初破滅變——若因四句

丙 次破因滅不變——云何四句  
乙 五 徧不徧一雙——若因四句

甲 次總破一切因果五  
乙 初合不合破二

丙 初破合三

丁 初過去——若言四句

丁 次未來——若言四句

丁 三現在——若言四句

丙 次俱破合不合——若不四句

乙 次空不空破二

丙 初就因空不空破——若因四句

丙 次就果空不空破二

丁 初不空——果不四句

丁 次空——果空四句

乙 三一異門破二

丙 初雙牒雙非——因果四句

丙 次雙牒雙難——若因四句

乙 四有性無性破二

丙 初明果有無性因不生——若果四句

丙 次結無因果——因不四句

乙五結緣合不合不能生果二

丙初正明和合不生——若從四句

丙次結合不合並無生義——是故四句

# 觀成壞品第二十一

甲初共離門明無成壞三

乙初雙標其離二門——離成四句

乙次雙釋二門三

丙初釋離成無壞門——若離四句

丙次釋成壞共無成壞門——成壞四句

丙三釋離壞無成門——若離四句

乙三雙結二門——成壞四句

甲次盡不盡門——盡則四句

甲三體相門——若離四句

甲四空不空門——若法四句

甲五異門——成壞四句

甲六生滅門破成壞二

乙初取意破——若謂四句

乙次釋破無生二

丙初明四句無生——從法四句

丙次明三門無生——法不四句

甲七斷常門破三

乙初破——若有四句

乙次救義——所有四句

乙三破救二

丙初偏就斷滅破——若因四句

丙次具作斷常破——法住四句

甲八三世門破四

乙初滅不滅破——若初四句

乙次一時二有破——若初四句

乙三生死一有破——若言四句

乙四總結破——三世四句

觀如來品第二十二

甲初破有是佛三

乙初破人是佛四

丙初明佛與陰不一不異門——非陰四句

丙二佛與陰不自不他門三

丁初破自——陰合兩句

丁次破他三

戊初奪破——若無兩句

戊次縱破——法若四句

戊三相待破——若無兩句

丁後雙結破自他——離自兩句

丙三佛與陰非先非後門二

丁初破不得先人後陰故有人二

⑤初縱破——若不四句

⑥次奪破——今實四句

⑦次破不得先陰後人故有人

「若其四句

⑧四總結佛不可得——若於四句

⑨次破法是佛——又所四句

⑩三結破人法——以如四句

⑪次破空是佛二

⑫初破空等四句是佛——空則四句

⑬次破常等八句是佛——寂滅四句

⑭三料簡空有俱非佛二

⑮初明如來現在非是有無——邪見四句

⑯次明如來滅後亦非有無——如是四句

⑰四呵責外人——如來四句

⑱五示其如來相——如來四句

觀顛倒品第二十三

①初破煩惱顛倒生義二

②初破煩惱顛倒二

③初破煩惱四

④初立——從憶四句

⑤次破五

⑥初無自性門破——若因四句

⑦二以人例法破——我法四句

⑧三無屬破——誰有四句

⑨四五求破——如身四句

⑩五以因果破——淨不四句

⑪三救——色聲四句

⑫四破三

⑬初破其六塵二

⑭初明六塵體空——色聲四句

②次明六塵之中無淨不淨

「如是四句」

⑤次破淨不淨倒二

②初破不淨——不因四句

②次破淨——不因四句

⑤三破其三毒——若無四句

⑥次破顛倒三

①初性空門破倒不倒四

⑤初破倒——於無四句

⑤次破不倒——若於四句

⑤三破著——可著四句

⑤四總結破——若無四句

①次三時門破倒不倒二

⑤初就三時門破倒生義二

②初正破二

⑥初就已未二門明法與人無有倒

義——有倒四句

庚次明倒時亦無人法兩倒

「若於二句

己次呵責——汝可兩句

戊次破倒不生義——諸顛四句

丁三實不實門破倒不倒二

戊初就倒破倒——若常四句

戊次就倒破不倒——若常四句

乙次結破意——如是四句

甲次破外滅顛倒煩惱義二

乙初破性實煩惱不可滅——若煩四句

乙次破假名煩惱則無所滅——若煩四句

## 觀四諦品第二十四

甲初外過論主執空為其二

乙初過論主無四諦三寶無出世法二

丙初過無四諦——若一四句

丙次過無三寶二

丁初別明無三寶三

戊初無僧寶二

己初別明無僧二

庚初明無四行——以無四句

庚次辨無果向——以是四句

己次總結無僧——若無兩句

戊次無法寶——以無兩句

戊三無佛寶——以無兩句

丁次總結無三——如是兩句

乙次過論主執空無因果罪福無世間法

空法四句

甲次論主破外人執有爲共三

乙初明外迷空二

丙初明外迷空橫生邪難四

①初明外不解三法橫生疑難

「汝今四句」

①次明外不解二法故興邪難三

⑤初明論主識佛依二諦說法故無上過

諸佛四句

⑤次明外不識二諦於空有中並皆有失

若人四句

⑤三明釋疑難——若不四句

①三明外不解一法橫生邪難

不能四句

①四明外不達前三門障佛不得早說大乘

世尊四句

⑤次明論主悟空是故無失四

①初明空義無失——汝謂四句

①次明空義爲得——以有四句

①三略釋執有爲過二

⑤初明外過不自知迴與論主

汝今四句

⑤次略出外過令外覺知二

⑥初略明無因緣過——若汝四句

⑥次廣明有三種過——即為四句

①四引經證空為得二

⑤初明因緣生法離斷常過

眾因四句

⑤次明攝法顯外定性有失

未曾四句

②次破外著有二

⑥初牒外人義——若一兩句

⑥次推過還外人二

①初對上還其無四諦三寶過二

⑤初對上還無四諦過三

②初總明無四諦——如是二句

己次別明無四諦四

庚初破無苦諦——若不四句

庚次破無集諦——若苦四句

庚三破無滅諦——苦若四句

庚四破無道諦——苦若四句

己三總結無四諦——若無四句

戊次還其無三寶過二

己初總明無三寶三

庚初別明無僧寶三

辛初明無四行——若苦六句

辛次明無果向二

壬初明無四果——及四六句

壬次明無四向——若無二句

辛次總結無僧寶——以無二句

庚次別明無法寶——無四二句

庚三別明無佛寶——無法二句

己次別明無大乘因果二

庚初破其人法——汝說四句

庚次破無因果——雖復四句

丁次對上還其無因果罪福過二

戊初明無罪福因果二

己初明無造罪福之人——若諸四句

己次明無造罪福之法二

庚初明因果相離無罪福

「汝於四句

庚次明因果不相離亦無罪福」

「若謂四句

戊次明無世俗法二

己初總——汝破四句

己次別二

庚初明無人法之體——若破四句

庚次明失萬物之相——若有四句

乙三誠勸誠令捨定性空勸學於因緣二

丙初明誠——若無四句

丙次明勸——是故四句

# 觀涅槃品第二十五

甲初論涅槃二

乙初論所證涅槃邪之與正二

丙初略破邪涅槃申正涅槃二

丁初略破邪涅槃二

戊初寄外破空非涅槃——若一四句

戊次就論主破有非涅槃——若諸四句

丁次略申正涅槃——無得四句

丙次廣破邪涅槃申正涅槃三

丁初破有無是涅槃二

戊初別破有無是涅槃二

己初破有是涅槃三

庚初作老死相破 涅槃四句

庚次作有為破 若涅槃四句

庚三作有受破 若涅槃四句

己次破無是涅槃二

庚初相况破 有尚四句

庚次受著破 若無四句

戊次合破有無是涅槃二

己初直釋 受諸四句

己次引經證釋 如佛四句

丁破亦有亦無是涅槃四

戊初即解脫破 若謂四句

戊次有受破 若謂四句

戊三有為破 有無四句

戊四相違破 有無四句

丁三破非有非無是涅槃二

⑤初責分別破——若非四句

⑥次取意破——分別四句

②次論能證之人邪之與正二

③初滅後——如來四句

④次現在——如來四句

①次論生死二

②初明世間涅槃平等二

③初世間涅槃平等——涅槃四句

④次明二際平等——涅槃四句

②次明涅槃與諸見平等二

③初列諸見——滅後四句

④次明諸見空二

⑤初邊無邊四句——一切四句

⑥次一異及常無常四句——何者四句

①三總結——諸法四句

觀十二因緣品第二十六

甲初明順觀二

乙初別明十二緣觀十二

丙一辨無明支——眾生一句

丙二辨行支——為後三句

丙三明識支——以諸兩句

丙四明名色支——以有兩句

丙五六入支——名色兩句

丙六觸支——情塵兩句

丙七明受支——因於兩句

丙八明愛支——以因兩句

丙九明取支——因愛一句

丙十有支——因取三句

丙十一生支——從有一句

丙十二老死支——從生三句

②次總結過患——如是七句  
④次明逆觀——智者五句

# 觀邪見品第二十七

①初立邪見二

②初立過去四見——我於四句

③次立未來四見——我於四句

④次論主破邪見二

②初就理破二世八見二

③初廣破初偈四見三

①初破常有句二

⑤初總非——過去四句

⑥次別破四

②初破離陰我二

⑦初取意立義——若謂兩句

⑧次正破——若當四句

②次破即陰我二

③初牒外義——若謂二句

④次正破——但身四句

⑤三重破離陰——若離四句

⑥四總結非即離有無——今我四句

⑦次破斷無句破前過去世我不作今我二

⑧初總非——過去四句

⑨次別破三

⑩初明有相離過——若謂四句

⑪次傳顯相離復有過——如是四句

⑫三更廣出其二過——先無四句

⑬三合破亦常亦無常亦有亦無二句

如過四句

⑭次略類破未來世四見——我於四句

⑮次指事破二世八見二

⑯初破過去世四見二

①初就卽事破於四見四

②初卽常——若天四句

③次異無常——若天四句

④三半常無常——若半四句

⑤四非常非無常——若常四句

⑥次就根本破於四見二

⑦初破無始破有無常義——法若四句

⑧次例破後三句——今若四句

⑨次破未來世四見三

⑩初破邊無邊二句四

⑪初標破邪見章門——若世四句

⑫次標正見章門——五陰四句

⑬三釋邪見章門——若先八句

⑭四釋正見章門——眞法四句

⑮次破亦邊亦無邊一句二

⑯初牒而總非——若世四句

⑤次正破二

⑥初就人破

——彼受四句

⑦次就法破

——受亦四句

⑧三破非邊非無邊

——若亦四句

論初二十五品辨大乘觀行次兩品明小乘觀行

論第三分重明大乘觀行二

初重廣明大乘觀行——一切四句

次推功歸佛——瞿曇四句

中論科判終

中觀論疏科判一卷計字九千二十六個

加半算

又

刊圈掛線工八個由願款支付刻資洋三十一圓  
九角三分

民國四年夏六月

金陵刻經處識